

57

ARREST DE


la Cour des grands Iours de Poictiers.

PAR LEQUEL EST POURVEU
au restab'issement du service Diuin, reparations
des Eglises & administration du reuenu Tem-
porel d'icelles es Diocèzes de Luçon, Malle-
zais, Angoulême, Xaintes & Lymoges, en
ce qui est du ressort des Grands Iours de Poi-
ctiers & hors la Seneschaussée de Poictou.



A POICTIERS,
Par ABRAHAM MOVNIN, Imprimeur
Ordinaire de la Cour des Grands Iours;
M. DC. XXXIIII.

Avec Privilège du Roy.



Extrait des Registres des Grands Iours de Poictiers.



VR la Reque^{ste} faicte par le
Procureur Ge-
neral du Roy ,
pour le restablis-
sement du Diuin seruice és Cu-
res des Diocèzes de Luçon, Male-
zais, Angoulesme, Xainctes & Ly-
moges en ce qui est du ressort des
Grands Iours seant à Poictiers &
hors la Seneschaussée de Poictou;
LADITTE COVR à or-
donné & ordonne conformement
à autre Arrest par elle donné, le

vingtiesme de ce mois pour le
 Diocceze de Poictiers, que les Cu-
 rez & autres Beneficiers ayans char-
 ges dames esdits Dioccezes reside-
 ront personnellement & actuelle-
 ment en leurs Cures, & esdits Be-
 nefices nonobstant toutes dispen-
 ces sinon qu'ils soyét excusés d'ex-
 cuses legitimes, & receuës de droict
 & seront admonnestez les Eues-
 ques & Prelats desdits Dioccezes de
 ne donner & octroyer d'oresna-
 uant lesdittes Lettres, ains tenir la
 main à la residence desdits Curez
 administration des Saints Sacre-
 mens, Predication de la parole de
 Dieu esdittes Cures & Benefices
 ayant charge dames, & pour cet
 effet y pourvoir de personnes capa-
 bles & faire faire les visitatiōs qu'ils
 sōt tenus faire suiuant les constitu-
 tions canonicques: Aussi à ordon-
 né & ordonne que certains per-
 sonnages de la Iustice & Officiers
 du Roy des Seneschaussées & bail-

liages de chascun desdits Dioce-
 zes, avec autres du Clergé qui à ce
 seront commis & deputez le trans-
 porteront és Cures & autres Bene-
 fices ayans charges dames desdits
 Diocezes, s'informeront des noms
 quallitéz & demourances de ceux
 qui en sont pourueus & a quel til-
 tre ils les tiennent du deuoir qu'ils
 font au Diuin seruice & admini-
 stration des Saincts Sacremens, en
 quelestat sont les édifices tant des
 Eglises que maisons Presbiteralles,
 enquoy consiste le reuenu d'icelles,
 & si les vrayz titulaires en ioüif-
 sent paisiblement si sous leurs nōs
 ou autrement indeuēment autres
 personnes en prennent les fruicts
 en tout ou partie & depuis quel
 temps & de leurs noms, quallitez
 & demourances, quel reuenu il y à
 és Fabricques & Confrairies, & à
 quel vsage les biens & reuenus d'i-
 celles sont employez, & qu'elles al-

lications y ont esté faictes, & à
 cette fin serot exhibez ausdits Com-
 missaires tous & chacuns les baux
 affermes, Contrasts, Tiltres, ensei-
 gnemens & comptes desdits Bene-
 fices, Fabricques & Confrairies, &
 à ce faire seront contraincts toutes
 personnes qui les ont en leur pos-
 session, par toutes voyes deües &
 raisonnables mesmes par empri-
 sonnement de leurs personnes s'il
 y eschet, seront assembler pardeuât
 eux les Curez s'ils sont sur les lieux
 ou leurs Vicaires & les Marguil-
 liers, Fabricqueurs, Chappellains,
 & administrateurs desdittes Fabric-
 que & Confrairie, & ensemble les
 Patrons fondateurs & hauts Iusti-
 ciers des lieux & en leur absence, &
 les Officiers de la Iustice avec nom-
 bre de Parroissiens qu'ils verront
 bon estre au cas que tous les des-
 susdits se puissent aysement assem-
 bler selon la commodité des lieux

desquels ils prendront aduis des
moyens de pouuoir rebastir & edi-
fier les Eglises demolies où du
moings les mettre en tel estat que
le Diuin seruice y puisse estre com-
modement faict & célébré, & or-
donneront lesdits Commissaires
estans sur les lieux de ce qu'ils ver-
ront estre necessaire pour la repa-
ration desdittes Eglises & maisons
bresbiteralles, celebration du Diuin
seruice, administration des Saincts
Sacremens & obseruation des
Eeditz & Ordonnances du Roy &
Arrest de ladicte Cour, mesmement
contre ceux qui durant le seruice
Diuin sont aux tauernes & lieux
publics, & font scandalle ou don-
nent empeschement à la celebra-
tion dudit seruice, aussi ordonne-
ront des frais necessaires pour les-
dites reparations ou entretenement
dudit Diuin seruice sur les person-
nes qui en sont tenus & ainsi qu'ils

verront estre à faire, par raison & où ils se trouuerroit aucun refractaire à l'Ordonnance desdits Commissaires & iniustes detempteurs, occupateurs & vsurpateurs desdites Cures, & autres Benefices, biens, domaines, rentes & reuenus qui en dependent seront par eux assignez en laditte Cour pour y comparoir en personne & respondre à telles conclusions que le Procureur General du Roy voudra prendre à l'encontre deux, & cependant & par prouision ce qui sera par lesdits Commissaires ordonné en tout ce que dessus, circonstances & dependances sera executé nonobstant oppositions ou appellations quelconques & sans preiudice d'icelles, & feront lesdits Commissaires leurs procez verbaux qui seront rapportez à laditte Cour & communiquer audit Procureur General du Roy pour luy ouy estre ordonné
sur le

sur le tout ainsi qu'il appartiendra,
& pour proceder à l'exécution du
present Arrest, ordonne la Cour
que les Seneschaux, d'Angoumois,
haute & basse Marche, Gouver-
neur de la Rochelle & pays d'Aunis
ou leurs Lieutenans & les Conseil-
lers desdits Sieges, les Substituts du
Procureur General du Roy appel-
lez nommeront pour chacun des-
dits Diocese quatre Officiers de la
Iustice, & pareillement lesdits Eues-
ques ou leurs Vicaires generaux
en leurs absences quatre personnes
de leur Clergé ou tel autre nom-
bre qu'ils aduiseront lesquels dépu-
tez se transporteront, assavoir l'un
de la Iustice & l'autre du Clergé se-
lon le departement qu'il leur sera
faict & baillé es Cures & autres
Benefices ayant charges d'ames es-
dits Dioceses, pour y executer le
contenu au present Arrest sans ac-
ception de quelques personnes que

ce soit & par toutes contrainctes
à ce requises, mesmement par saisie
du Temporel desdittes Cures &
Benefices ayant charges dames si
besoing est, & enjoint la Cour à
ceux qui seront nommez & depu-
tez de s'employer promptement à la
ditte execution nonobstant toutes
excuses qu'ils pourroient proposer
oppositions & appellations quels-
conques sans preiudice d'icelles à
peine de suspension contre les Of-
ficiers de leurs estats & d'amande ar-
bitraire & contre lesdits deputez du
Clergé de saisie de leur temporel
& aussi d'amande arbitraire, & pour
fournir aux frais qu'il conuiendra
faire pour l'execution du present
Arrest ordonne la Cour sous le
bon plaisir du Roy qu'il sera pris &
leué par forme d'auance tant sur les
Euesques que Chapitres, Abbayes
& Communautéz estans és Villes
principalles de chacun desdits Dio-

66
 cezes & Fauxbours d'icelles, & autres que plus commodement pourront porter telles sommes de deniers qu'il sera aduisé par lesdits Seneschaux & Gouverneurs ou leurs Lieutenans, Conseillers & autres Officiers du Roy de chacune desdites Villes, les Substituts du Procureur General du Roy appelez, & ce qui sera ordonné pour ce regard sera executé nonobstant oppositions & appellations quelsconques & sans prejudice d'icelles, lesquelles sommes ainsi aduancées seront apres esgallées sur l'Euesque & Clergé de chacun desdits Diocezes, & ceux qui les auront aduancez en seront remboursez sur la leuée desdits deniers, desduction faicte de leurs taxes & cotte; Et enjoinct la Cour aux substituts en chacune desdictes Seneschaussées & Gouvernemens de poursuiure avec toutes diligences l'execution du present

Arrest, en certifier la Cour dedans
 huitaine, apres qu'il leur aura
 esté enuoyé à peine de suspension
 de leurs Estats & priuation s'il y es-
 cher, & fera le present Arrest leu
 en ladicte Cour à jour d'audiance &
 executé sur l'extraict : Faict à Poi-
 ctiers és grands Iours le vingt-
 deuxiesme Septembre mil six cens
 trente-quatre.

Signé, RADIGVES.

*Collationné à l'Original par moy Conseil-
 ler, Notaire & Secretaire du Roy & de la
 Cour de Parlement.*

